

ქ. ბათუმი

26/06/2015წელი

ერთის მხრივ, საჯარო სამართლის იურიდიული პირი - ლაბორატორიული კვლევითი ცენტრი (იურიდიული მისამართი: ქ. ბათუმი, დასახლება ქვედა სამება, ს/კ 245645235) შემდეგში „შემსყიდველი“, წარმოდგენილი ცენტრის უფროსის რამაზ სურმანიძის სახით

და მეორეს მხრივ, შპს „ბუკა-111“ (იურიდიული მისამართი: საქართველო, ქ. ბათუმი, ილია ჭავჭავაძის ქ., № 4, ს/კ 445393805) შემდეგში „მიმწოდებელი“, წარმოდგენილი დირექტორის ტარიელ ჩხიკვაძის სახით

სახელმწიფო შესყიდვის განხორციელების მიზნით, ვდებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. წინამდებარე ხელშეკრულებით მიმწოდებელი კისრულობს ვალდებულებას მიაწოდოს შემსყიდველს გარე ტანსაცმელი (დანაყოფის კოდი - 18200000) შემდეგში შესყიდვის ობიექტი/მომსახურება, ხელშეკრულების 2.1 პუნქტით გათვალისწინებული ანაზღაურების სანაცვლოდ.

1.2. საქონლის მიწოდების ვადა: 2015 წლის 30 სექტემბრამდე.

### 2. ხელშეკრულების თანხა, ანგარიშსწორების წესი

2.1. მთლიანი სახელშეკრულებო თანხა შეადგენს 1130,40 ლარს

2.2. ხელშეკრულების თანხა ითვალისწინებს როგორც საქონლის შესყიდვასთან დაკავშირებულ ხარჯებს, ასევე საქართველოს კანონმდებლობით დადგენილ ყველა გადასახადს.

2.3. დაფინანსების წყარო - საკუთარი შემოსავლები.

2.4. ანგარიშსწორება მიმწოდებელთან განხორციელდება ფაქტობრივად მიწოდებულ საქონელზე მიღება-ჩაბარების აქტის გაფორმებიდან ან/და სასაქონლო ზედნადების/საგადასახადო ანგარიშფაქტურის (იმ შემთხვევაში, თუ მიმწოდებელი დღგ-ს გადამხდელია) დადასტურებიდან 10 (ათი) სამუშაო დღის ვადაში, უნაღდო ანგარიშსწორების ფორმით ეროვნულ ვალუტაში მიმწოდებლის საბანკო ანგარიშზე თანხის ჩარიცხვის გზით.

### 3. შესყიდვის ობიექტის მიღება-ჩაბარების წესი

3.1. შემსყიდველმა უნდა შეამოწმოს მიწოდებული საქონელი ხელშეკრულების პირობებთან მიმართებაში.

3.2. შესყიდვის ობიექტი უნდა იყოს ნივთობრივად და უფლებრივად უნაკლო; აკმაყოფილებდეს ხარისხის დადგენილ სტანდარტებს.

3.3. შესყიდვის ობიექტის მიღება-ჩაბარებას ახორციელებენ სათანადოდ უფლებამოსილი პირები (შემსყიდველის მხრიდან - მთავარი სპეციალისტი სამეურნეო დარგში/თენგიზ ბერიძე) მიღება-ჩაბარების აქტის ან ზედნადების საფუძველზე მიმწოდებლის მიერ ფაქტობრივად მიწოდებული საქონლის შესაბამისად.

3.4. იმ შემთხვევაში, თუ მიწოდებული საქონელი შეესაბამება ხელშეკრულებით გათვალისწინებულ მოთხოვნებს, სათანადოდ უფლებამოსილი პირი მიღება-ჩაბარების აქტის საფუძველზე ახორციელებს მომსახურების მიღებას, ხოლო თუ გამოვლინდება, რომ იგი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლებააქვს არ მიიღოს შესყიდვის ობიექტი და მოსთხოვოს მიმწოდებელს ხარვეზის აღმოფხვრა 5 დღის ვადაში მიმწოდებლის ხარჯით.

### 4. ხელშეკრულების პირობების შეუსრულებლობა

4.1. ხელშეკრულების პირობების არაჯეროვანი შესრულების ან შეუსრულებლობისათვის მხარეებს დაეკისრებათ პირგასამტეხლოს გადახდა შეუსრულებელი ვალდებულების 0,2%-ის ოდენობით ყოველ ვადაგადაცილებულ დღეზე.

ქ. ჩხიკვაძე 1



- 4.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.
- 4.3. წინამდებარე ხელშეკრულების პირობების მიმწოდებლის მიერ შეუსრულებლობისას შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს დაეკისრება პირგასამტეხლოს გადახდა ხელშეკრულების საერთო ღირებულების 10%-ის ოდენობით.

#### 5. მხარეთა უფლება-მოვალეობანი

- 5.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 5.2. შემსყიდველი უფლებამოსილია:
- 5.2.1. ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება, ასევე მომსახურების ხარისხის პერიოდული კონტროლი;
- 5.2.2. მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა, შემსყიდველის მხრიდან რაიმე დამატებითი დანახარჯის გაწევის გარეშე.
- 5.3. შემსყიდველი ვალდებულია:
- 5.3.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესყიდვის ობიექტის ღირებულება;
- 5.3.2. შესაბამისი შეტყობინების შემთხვევაში დროულად აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი საკუთარი ხარჯით.
- 5.4. მიმწოდებელს უფლება აქვს მოსთხოვოს შემსყიდველს შესყიდვიდ ობიექტის ღირებულების ანაზღაურება ხელშეკრულების პირობების შესაბამისად.

#### 6. დაუძლეველი ძალა

- 6.1. ხელშეკრულების პირობების ან რომელიმე მათგანის მოქმედების შეჩერება დაუძლეველი ძალის გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა.
- 6.2. დაუძლეველი ძალა ნიშნავს მხარეების კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და მიმწოდებლის შეცდომებსა და დაუდევრობასთან. ასეთი გარემოება შეიძლება გამოწვეული იქნას წყალდიდობით, ხანძრით, მიწისძვრით და სხვა სტიქიური მოვლენებით, საომარი მოქმედებებით, ექსპორტისა და იმპორტის აკრძალვით, აგრეთვე სხვა წინასწარ გაუთვალისწინებელი, მხარეების ნებისაგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.
- 6.3. დაუძლეველი ძალის გამოვლენის შემთხვევაში ხელშეკრულების შესრულების ვადა გადაიწევეს შესაბამისი დროით, დამაბრკოლებელ გარემოებათა დასრულებამდე.
- 6.4. დაუძლეველი ძალის გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუფხავნოს მეორე მხარეს წერილობითი შეტყობინება ასეთი გარემოებების და მათი გამომწვევის მიზეზების შესახებ, ასევე ვალდებულების შესრულების შეუსრულებლობის სავარაუდო ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, მხარეებს უფლება აქვთ შეწყვიტონ ხელშეკრულება.

#### 7. ხელშეკრულების პირობების გადასინჯვა. ხელშეკრულების შეწყვეტა

- 7.1. ხელშეკრულებაში ცვლილებებისა და დამატებების შეტანა დასაშვებია მხარეთა თანხმობის შემთხვევაში. ნებისმიერი ცვლილება ან დამატება, 6.2. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით გაფორმებული შეთანხმების სახით, რომელიც ჩაითვლება ხელშეკრულების განუყოფელ ნაწილად.

*Handwritten signature*



- 7.2. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებშიც ხელშეკრულების საერთო ღირებულება შეიძლება გაიზარდოს ხელშეკრულების საერთო ღირებულების 10%-ის ფარგლებში.
- 7.3. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა.
- 7.4. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.
- 7.5. ხელშეკრულება შეიძლება შეწყდეს ერთ-ერთი მხარის ინიციატივით მეორე მხარის წერილობითი გაფრთხილებიდან 15 (თხუთმეტი) დღის განმავლობაში.

#### 8. ხელშეკრულების მოქმედების ვადა

- 8.1. ხელშეკრულება ძალაშია 26.06.2015-დან და მოქმედებს 2015 წლის 30 ოქტომბრამდე, მხარეთა მიერ ნაკისრი ვალდებულებების სრულად და ჯეროვნად შესრულებამდე.

#### 9. სადავო საკითხების გადაწყვეტა

- 9.1. მხარეები თანხმდებიან, რომ უპირველესად შეთანხმებისა და ურთიერთმოლაპარაკების გზით მოაგვარონ მათ შორის წამოჭრილი ნებისმიერი უთანხმოება და აზრთა სხვადასხვაობა.
- 9.2. შეთანხმების მიუღწევლობის შემთხვევაში, თითოეულ მხარეს შეუძლია დავის გადაწყვეტის მიზნით მიმართოს სასამართლოს.

#### 10. სხვა პირობები

- 10.1. ამ ხელშეკრულებით გათვალისწინებული საკითხები რეგულირდება საქართველოს მოქმედი კანონმდებლობით.
- 10.2. ხელშეკრულება შედგენილია ქართულ ენაზე ორ თანაბარმნიშვნელოვან ეგზემპლარად, რომელთაგან ერთი ინახება შემსყიდველთან, ხოლო მეორე გადაეცემა მიმწოდებელს.

#### 11. მხარეთა რეკვიზიტები:

შემსყიდველი:	მიმწოდებელი:
სსიპ -ლაბორატორიული კვლევითი ცენტრი	შპს "ბუკა-111"
ს/კ 245645235	ს/კ 445393805
ელ. ფოსტა:samebalab@gmail.com	ელ.ფოსტა:
მის: ქ. ბათუმი, დასახლება ქვედა სამება	იურ. მის:საქართველო, ქ. ბათუმი, ილია ჭავჭავაძის ქ., № 4
მიმღების დასახელება: ხაზინის ერთიანი ანგარიში	ს.ს. საქართველოს ბანკი
ბანკის კოდი: TRESGE22	ბანკის კოდი- BAGAGE22
ა/ა 740347519	ა/ა GE28BG0000000893118300 GEL
ცენტრის უფროსი:რამაზ სურმანიძე	დირექტორი:ტარიელ ჩხიკვაძე
	

